

煙霞萬古樓詩集

二掃葉山房校印

煙霞萬古樓詩集卷二

秀水 王 曇 仲 瞿

鐵雲姨丈題近人所注杜樊川全集詩二首云第二篇為阿曇作也寄自邦敬報一章

唐昌觀裏看花時承寄樊川集後詩小杜文章吹甌裂司勳名字

夢神癡

曇初改名故用杜本傳夢中改名事

才疑書記依僧孺人借風流禮牧之五

百注韓千注杜中郎蘆白有微辭

先生謂第一詩有諛讚注詩者之人故不錄寄

白松閣

泰山十八公黃山七十峯如何居士宅有此大夫松招下神仙鶴

捧來風雨龍花綢一片石疑是宋徽宗

石百孔洞達云得之朱勔園中

昭明閣

倭國唐山寺

昭明太子觀音尊像由銅船歸中
國蓋初為日本唐山寺供奉也

昭明文選樓潮音

育王力

是像仿阿育王像造於蕭梁天監中乾隆中自
東海入中國寄奉於寧波之阿育王寺者逾年佛法辦香

幽畫手勾龍爽其人仇十洲

內子畫三十二應真
觀音像首描金像

南朝四百寺聖

火一鎗留

琵琶館

蘇老登場屋

華亭俞秋圃為吳下琵琶一十
人之冠蓋蘇達子之高足也

琵琶有中興而今賀

懷智

蘇達子康熙中生生長西域遍訪天方回部城郭
諸國其聲始備吳門得衣鉢者俞秋圃一人而已

當日鄭

中丞佛國門樓近庭花玉樹能

玉樹庭花所謂陳隋調者秋圃不
傳之蘇老餘之私淑者無傳也

期天寶後猶有佛傳鐙

鸚鵡廊

種滿清河舫詩廊七步尋鴛鴦樓子小鸚鵡畫堂深紅袖詩人面

烏絲侍女心有時同看月鐘漏自沈沈

開元寺無梁殿為兩層閣較金陵製造尤勝明鄭貴妃功德
也碑紀用錢二萬萬云

明知不用棟梁材幻出空空妙手來畢竟人間無柱石故教天匠
造樓臺九龍鐘散千僧食一火陶成萬竈開銅雀成塵金虎盡姜
香閣瓦未全灰

燒成無數鴛鴦土費盡開元萬萬錢七女宮樓能住佛九蓮娘子
可生天漳河鄴瓦三臺冷魯國靈光一殿煙三百年朝元氣盡貴
妃功德尚年年

蝴蝶廳者鴛鴦樓之女內堂也西家姬侍以丈室軒窗為會
真之地管絃翰墨絲竹琴書錯雜於此者三年矣紀一時之

盛也

蝴蝶廳前玉畫叉鴛鴦樓下笑聲譁九華妃子分三品七女天宮
合一家促席雲鬟方丈地倚欄紅袖一廊花古無女史修書福孤

負禁寒半臂紗

內子有茉莉花香扇紙輕烏絲紅袖幾門生
晚來半臂無人送冷殺修書宋子京之句

孫子滿

原湘

以乙卯二名鄉舉復以乙丑二名登禮榜中式

殿試二甲二名進士鐵雲姨丈有臣無第三亦復無第一之
作奇體也亦紀以詩備詞林掌故

君何不頭魚宴第一書名楊素箭亦何不史萬歲手射行中第三
鴈闌黎第一法身乃第二當日匆匆領鄉薦阿平第一子嵩又第
二隨人踏上含元殿乙乙復乙乙畢竟頭魚不好喫田文論功不
及三孫宏決策不得一張說之乙天后改蘇軾之二歐九抑韓康

不二君有二李廣無雙君戚戚時無鄂千秋蕭何空歎息臣無第
三亦復無第一

寄歸佩珊夫人

懋儀

兼柬奉長真閣內史席道華夫人并示

內子

舊年滬濱舟次以太夫人合刻詩集及手書所製長短諸
調新詞見贈憶六七年虞山孫子瀟書來謂長真閣內
史席道華夫人欲與內子相見虎邱而不果舊年虞山元
日曇見道華於長真閣下時內子在西湖即欲為兩夫人
作虞山清曠圖而有所待今年元日重繹兩夫人詩如雲
璫仙奏因屬內子為三逸圖憶前歲法時帆祭酒寄三君
咏詩以鐵雲姨丈子瀟曇為江左三君其事殊逸茲詩所

寄雖不足以紀彤管之盛實為三逸圖作先唱也

鸚鵡樓頭一桁春青綾幃下當朝真神仙墮落為名士見帝莊嚴

失寡人麤品官銜加學博史載女學士博士等官聰明菩薩變男身相逢紫

府高閒處手版呼名一搢紳

人號先生宋若華若華在宮中稱學士先生云韋姑絳帳隔層紗宣文兩部齊

論語子婦同堂漢大家老子講幃嚴是母秀才巾幘面如花一門

詞賦遷談在安得諸兄筆硯誇

海虞山下女相如同擅清華賦子虛紅粉關圖前進士簪花元白

兩尚書內家旗鼓龍門似逸少鬚眉弟子居難怪鍾嶸詩品少一

朝能得幾班徐詩品謂漢五言不過數家而婦人居二謂班昭徐淑也僕謂近日閨彥又不翅數十家而佩珊道華

無與為比

全把書生玉局掀女媧天子勸臨軒上官玉尺詩才子及第金釵
畫狀元南國大羅三鼎榜江東寒士女文園來生我亦男身換伏
奏東皇萬萬言

西施怨於臨浦舟中作

臨浦乘月為船娘寫怨而作名西興姐江舟年嫂中有盛
名所謂阿月者是遊也月赤如鐙山醒欲笑美人說舊序
以小篇

西施去月如磬西施來月如鏡船娘誤姓西施姓猶見嫦娥半面
妝誰見西施影露腳飛飛兔初孕捫心重問西施病道是同年同
月生曾把扁舟媵妾年輕

去聲

妾命薄一面青天三面水儂與青

天聽郎是船兒妾如汀苧蘿山儂身定烏篷船去白篷來浣紗留

匹將儂聘郎歸來月如甌

兒子巖暴雷澍雨以詩紀事

山有石門土人謂猿公白姓者居此誤入者見眷屬往來
洞房竄窺有女子倚繡牀者亦時攝人間好女入洞云但
是山怪惡猿猱所不能攀其麓十里則古木虬結延袤皆
紅土青疇設色所不能到也余初經是山有必有仙人家
住此丹砂紅作地皮鋪之句亦徐凝拙語也改存一律以
記遊景之最奇者云

處女白猿公團團一洞中霓裳奔月入雷斧駭人紅龍影青天熱
魑聲夕照烘鵲鵲伺人過驚落滿山風

昭德寺避雨題壁

空山此寺自何年玉帶留門息一肩久雨難逢乾慧地入門喜拜
淨居天碑仍棲簡頭陀寺僧亦楞嚴道行仙不有水田三百畝法
華空證大牛邊

曉晴望連雲山色平洋十里喜見城郭

不是連雲竟連雨半月山行不曾住今朝雨歇雲要晴纔見連雲
山似絮括州無地山欲譁十里始踏平洋砂一幘董源平遠景括
蒼城影似蓮花

題松陽葉法善所刻李北海追魂碑後

力士之腕力可折名士之筆力莫奪死人之文人可求生人之魂
追豈得我讀萬卷書不受方士惑始疑李少君傳有返魂術忽而
葉道士亦弄此詭譎人有魂則生魂去必不活如何生人魂如探

囊取物葉父名有道姓與郭泰別李邕與蔡邕意欲相髣髴唐人
諛墓文邕也名姓熟謂是北海書可以榮貽厥君不見索劍私摹
鍾會書大令偷題右軍筆又不見佈鵠濃書碧落碑千年奇字費
羶槌天下愛求邕筆蹟將軍遂有雨雲麾不如身到天衣寺親見
邕書不必追

今會稽天衣寺有李邕所書二千字碑板字畫
完好重兩雲麾者不知此碑之留傳空山也

登大鶴山道書元鶴第三十洞天也

不學仙人怕騎鶴騎牛怕墮馬怕惡乘雲不如乘舟穩失勢一飛
身必落仙亦不如人飛亦不如步我鶴未騎心已怖匪牀不得卧
匪席不得坐鶴到天中坐卧無焉知不久久迎風翅掙破獼猴落
井虛空墮不但鶴不騎為仙亦大苦東王我家太公西王我家祖
姥子晉方平王大父渺渺如子一晚生焉能日跨胎禽階下舞琴

高騎龍來麻姑跨虎走鳳皇是老仙家雞麒麟是老仙家狗

二語本古

樂府鶴不能擊過鵬南九萬程畢竟能飛落人後林屋洞深如術華

陽洞黑如甕洞天兩所我遊來獄地泥犁脚皮痛

余遊華陽林屋諸洞皆深黑如

漆古之所謂阿鼻泥犁無間地獄也

三十天神宮兜率盡茫茫任千年元鶴飛來不

須控

東甌王廟

衣帶東甌國山河異姓王功居黔布上跡異尉佗狂圍項遵劉約

鋤秦救越亡九江先帶礪百濮後冠裳血祭無諸祀牲毛勾踐嘗

廟猶留赤火宮可接梅梁魂氣南山固

王葬甌浦山

威聲洄浦長微臣

感山鬼疏鑿尚茫茫

橫山周公廟

神諱凱字公武生臨海郡之橫陽身八尺擊劒能左右射
司馬平吳隨陸機兄弟入雒知晉室將亂辭不就時臨海
水沸龍蛇陸居神隨地形疏塞之水不徙神奮然將以身
平之援弓發矢大呼突潮入水四潰開裂見神乘大白龍
東去海門外聲如雷霆者水遂平唐宋以王爵祀元昇廟
為宮神之靈見宋濂橫山廟碑

功名不欲同周處陸機葫蘆不足語以胡亂華公可來以牛亂馬
公不住橫陽山中龍來居左右射龍龍掉雨公身入潮潮不降潮
身直壁橫陽江公騎白龍大於許擒龍之孫殺龍女族龍之血濺
天柱從公入潮潮千年不濕橫陽一尺土禹疏不到甌江來公之

功乎高大禹

第六句雨
字與下叶

春草池聞四絃聲

中年哀樂一琵琶春草池邊好部鼉彈到蒼茫人不見晚風吹冷
白荷花

留別觀樓兵備并奉警齋郡伯

江城風雅一條冰西射堂西得未曾康樂東山雙蠟屐老坡南海

一然鐙

公家嶺南而才
在三大家上

八州團練如公在十道營田此郡能海氣

未消兵氣息鴈山回首路峻嶒

急裝三日侍桓公依舊輕裘拜下風射虎短衣隨李廣

先日以短
衣佩刀見

大將
軍侯

壯夫雕刻笑揚雄游山韃馬三秋好乞郡呼盧一擲同

時欲
移病

昏夜黃金楊伯起贈言無奈又匆匆

丹芳半嶺之上觀衆瀑懸流

五百諸天拜冕旒上方風雨下方流內中多少珠簾在掛滿層城
十二樓

淨名寺贈融道師時開止觀法堂問予以威儀條例

煙水茫茫百二城雲關來叩老然鐙諾那門戶能無恙止觀家風
得未曾三絕煙霞千尺水六時連漏一枝藤淨名香積維摩飯重
仗天宮接引升

松門望海觀都督李

長庚

將軍水師大戰

鼉梁不架風不驕紅雲浴日頽雲消海船入口海魚賤沙頭一市
人如潮忽傳黃牛白鴨七十二礁煙燄起火星飛入鞋山坳不知
是人是馬是海市知是岳家將軍大舉追楊么艚艫舳舻看不出
但見烏鴉一陣急繕而招搖復有長蛇一字島底出三周華不注

兩道來相鏖蟻旋鶴舞一天熱不知何船用火何船燒驟然青天
化赤壁漸見兩軍四散獵獵飄長旂南風漸緊舟漸大頓然松門
以內疊疊堆銀濤將軍樓船高於屋八喇八槳如飛刀同時官船
島船一百一十有二隻一一如旋條中有一船大如域外七奇圖
所記高帆六七道快馬騰風跑哮囉聲近潮聲遙胡牀一手紅旗
招各以鈎車擊互撐挽牢舟中之指血可熬舟中之血櫓可漂流
星火矢鴉焚巢長兵躍百高者超短兵裸鬪刀者跳爪稜小礮雲
中驍旋風高懸當者號郎機一震兜底拋環槍一千煙火高小船
蘆碎飄如瓢大船肉糜撞其腰桅高斗大摧折標連環舢舨留其
艚惟有中軍一船麾如燧象燒不熱虎彌大櫓犀皮包虬髯大杖
三鼓鑿高樓獨燼紅帕綃銀刀粉面靴者嬌三百黑雲飛鳴鵠將

軍大怒呼叱譙不衫不甲聲虎虓蛇矛丈八親手挑稷門投蓋身

蹴飄螫弧不拔飛過艘搏人一個投雲霄老拳毒手親打交張侯

貫肘膚不撓林雍躡足走且趨中眉中頗惟所遭忽然由於肩中

稍束胸一傷呼乃暑是日將軍徒手親搏凡中肘足眉 俎壺一擲

三不饒將軍負傷過舟忽艙中出杯盤壺碗於是 迴身據轉琴聲

調鼓音不絕公伏弋餘皇三呼鬣者逃將軍乃命柁樓戰士鳴鉦

饒是日將軍猶 將軍大旗風蕭蕭瘡兵六十宵嗷嗷移舟寄泊蛟

門蛟寄泊蛟門不通軍問者 將軍之船朽且膠幕府不聞公斗刁

一書叅斬高敖曹同時大府親搗郊呼醫血脫將軍袍捷書夜上

將軍勞明日將軍重出哨力追三日得一舫十門大礮千金硝島

船一散無鳥毛將軍之詩我所鈔將軍之書我所毫將軍題楊警齋太守種竹